



مسرحية : أحلام ياسر



مهرجان القراءة للجميع ٢٠٠٣
مكتبة الأسرة
برعاية السيدة سوزان مبارك



مسرحية أحلام ياسر

للكاتب والناقد

محمد السيد عباس



كلمه فى البداية

عزيزى القارىء

فى إطار إهتمام الدولة لتقديم الرعاية للطفل
المصرى تحت رعاية السيد الفاضله / سوزان
مبارك التى تبذل جهودها لتقديم الرعاية المتكامله
للطفل المصرى ودعوتها للكتاب لتقديم الفكر الراقى
والارتقاء بفكر الطفل المصرى .. ومن هذا المنطلق
وقفنى الله لتأليف هذه المسرحيه للاطفال بعنوان
(احلام ياسر) وكتبتها باللهجه العاميه لسهوله
استيعابها للاطفال والقارىء والمشاهد العام وتدور
أحداثها حول حلم الطفل المصرى بأن يعيش العالم
فى حب وسلام بعيدا عما يدور الآن فى العالم من
أحداث صاخبه تدور حول الحروب والدمار وتكون



ضحيتها فى النهايه موت الأبرياء وخاصة الأطفال
.. والمسرحيه صرخه يطلقها الطفل ياسر يدعو فيها
العالم لنبيذ الحروب والدعوه للحب والسلام .. وهى
مسرحيه إستعراضيه غنائيه وقد شرفت بأن يقوم
بتأليف أغاني المسرحيه الشاعر الغنائى
الاستاذ / محمد على الشاذلى الذى تتسم أغانيه
بالبساطه فى الكلمه وصدق الاحساس الفنى وعمق
التناول .. والله الموفق لما فيه الخير .

مؤلف المسرحيه

الكاتب محمد السيد عباس

عضو اتحاد كتاب مصر





قبل رفع الستار :-

تطفئ أنوار الصاله وتسمع ثلاث دقات للمسرح

ويسمع صوت الراوى يقول :

قالوا كثير فى الحكاوى والأمثال وياما قالوا :

على رأى العم صلاح جاهين اللى قال :

عينى رأت مولود على كتف أمه


يصرخ تهنن فيه يصرخ نضمه

يصرخ نقول يا بنى ما تتطق كلام

ده اللى ما يتكلمش ياكتر همه (عجبى)

وقال كمان :

يا عندليب ما تخافش من غنوتك



قول شكوتك واحكى على بلوتك

الغفوه مش حتموتك إنما

كتم الغنا هو اللي حيموتك (عجبى)

ينفرج الستار على المشهد الأول (من الفصل الأول)

المشهد الأول

من الفصل الأول

ينفرج الستار على المشهد الأول (غرفة نوم ياسر)

يوجد بها باب (جهة اليمين) للدخول والخروج

..ويوجد في الخلفية (شاشة للعرض السينمائي) ..

ويلاحظ مصمم الديكور ومنفذه عدم إظهارها على

أنها شاشة عرض .. ووجودها هام لعرض مشاهد


من الحروب وقتل الاطفال ..وتعرض مشاهد سينمائية

او مشاهد فيديو أو سلايت ليراهها الجمهور ..

يوجد ايضا بالحجرة سرير صغير وبجواره

كومودينو عليه اباجوره للإضاءة ومنبه صغير ..

ويوجد مكتب صغير خلفه كرسي ومكتبه بها بعض



الكتب .. والمكتب موجود عليه جهاز كمبيوتر كامل
بأجزاءه وبجواره تليفون وبجوار المكتب يوجد
كرسى آخر .

(يدخل ياسر الحجرة ويرتدى ملابس النوم ويتنأب
ويقول) .

ياسر :- الواحد كابس عليه النوم .. المفروض أنا
بدرى علشان أصحى بدرى علشان الرحله
.. لكن المثل بيقول : لا تؤجل عمل اليوم
إلى الغد .. حقعد شويه على الكمبيوتر
وأدخل على الانترنت يمكن ألقى
معلومات أستعين بها فى الدراسه اللي
بعملها عن الحرب والسلام علشان أشارك
بينها فى المسابقه .

(ويجلس أمام الكمبيوتر ويبدأ فى العمل عليه ..)

تدخل شقيقته سلمى وهى ايضا ترتدى ملابس النوم

سلمى: - انت لسه سهران هخدت الاجازة بقى وعمال
تديها كمبيوتر .

ياسر : يدور على معلومات تفيدنى فى الدراسه اللي
حقدتها فى المسابقه

سلمى : ناوى تطلع الاول زى مسابقة السنه اللي
فاتت .مش كده


ياسر : حنبدأ نتوء .

سلمى : (تضحك) انت عارف انا اتمنى ان اخويا

ياسر يطلع كل سنه الاول . حقعد اتفرج

شويه معاك (وتجلس على الكرسي

بجواره)



ياسر : (يدخل على الانترنت) أيوه لقيتها شوفي
بقى يا سلمى الحروب بتعمل إيه فى الناس
والاطفال . موت ودمار .
(تنظر سلمى وياسر على شاشه العرض الموجوده
فى خفيه المسرح شاهد من قتل وإباده يقوم بها جنود
بأسلحتهم ودبابتهم تقتل الاطفال الابرياء والنساء
والشيوخ وهدم وحرق منازلهم وأثناء عرض هذه
المشاهد تختفى صورة ياسر وسلمى وجهاز
الكمبيوتر وتصاحب عرض هذه المشاهد ظهور
مجموعه من الاطفال يؤدون أغنيه إلى العيش فى
امان وسلام .
وهذه الاغنيه بعنوان (احنا عيون المستقبل)
وكلماتها تقول :

أغنية إحنا عيون المستقبل

إحنا عيون المستقبل أطفال صبيان وبنات
نرفض إرهاب ولافتقبل تهديد ونعيش فى سكات

إحنا عيون المستقبل

خلونا نعيش فى أمان وسلام نحمل الحريه
ونعيد مجد الاوطان من شر البندقية
ونسير فى طريق النور أطفال صبيان وبنات

إحنا عيون المستقبل

الحرب دى شر علينا يتهد بيوت وتدمر
ونشوف الموت بعيننا حنعيش إزاي ونعمر
عايزين إنسان يحميننا أطفال صبيان وبنات

إحنا عيون المستقبل




وبعد إنتهاء المشاهد السينمائية وتنتهى معها الأغنية
التي يؤديها الاطفال .

يضاء المسرح ويعود ياسر وشقيقته سلمى كما كانا
بنظران فى شاشه الكمبيوتر وكان ما حدث وشاهده
الجمهور كان هو ما شاهداه هما من خلال شاشه
الكمبيوتر .

ياسر : شفتى يا سلمى الحروب بتعمل ايه فى
الاطفال .

سلمى : شىء فظيع ذنبهم ايه الأبرياء دول
وخصوصا الاطفال يموتوا بالشكل ده ..
الحروب شىء فظيع ليه الناس كلها ما
تعيش فى حب وسلام .



ياسر : الحرب موت ودمار .. المفروض الدول

الكبيرة القوية بدل ما تعتدى على الدول

الصغيرة الضعيفة تساعدنا على حل

مشاكلها .. وده اللي انا بكتبه في الدراسة

الى مشترك بيها في مهرجان السنة دي

مهرجان القراءة للجميع .

سلمى : دي حقيقي دراسته كويسه .. آه قبل ما أنسى


رأى صديقك ميتو طفل القضاء ايه في

مشكله الحروب دي .

ياسر : إمبراح إتصلت بيه عن طرق الانترنت

وقعدنا نتكلم سوا اكثر من ساعه وهو


زعلان قوى الى بيحصل من حروب على



ياسر : عارف . إحنا بكره إن شاء الله رايحين
رحله المدرسه وحنزور الاهرامات وابو
الهول . ولما توصل هناك وقبل ما
يرجعوا بيتتا فى الرحله وهما مشغولين ..
حنختفى انا وانتى من غير ماحد ياخد باله
ونروحوا على الصحراء وهناك حبيجى
مينتو علشان ياخذنا .

سلمى : مش عارفه اقول ايه . طول عمرى بتحب
المغامره .

ياسر : هو فيه احدى من المغامرات خلاص اتفقنا .
سلمى : موافقه بس بابا وماما حيقلقوا علينا لما ترجع
الرحله وإحنا مش معاهم .



المشهد الثاني من الفصل الأول

ينفجر الستار على المشهد الثانى والذي يمثل رحله
الأطفال وتظهر منطقته الاهرامات وأبو الهول ..
والأطفال من البنين والبنات يغنون ويرقصون ومعهم
ياسر وسلمى وكلمات الاغنية الجماعية التى يرددوها
الأطفال نقول :

أغنية الرحلة

يا سلام على جو الرحله جميل من فوق البرج ونهر النيل
شوف جنة مصر وسحر الليل داهواها يفوت ع الغصن يميل


من فوق البرج ونهر النيل

شفتنا السواح رايعين جاين شافوا الأهرام وحضاره مصر
تاريخ منقوش من عمر سنين بحروف من نور من نور العصر
يقولوا يا ريت نفضل قاعدين ذا الجو ف مصر ما لو هتش مثيل

من فوق البرج ونهر النيل

علشأتك كل الدنيا يا ماهر بتحبك واحنا كمان عاشقين
من ساعة الصبح لحد العصر شفتناش ولا زى جمالك فين
منصوره عظيمه قويه يا مصر والجوف مصر ما لو هتش مثيل

من فوق البرج ونهر النيل




المدرس : حنرجع من غيرهم إزاي .. أنا مختلش
حته الا لما دورت فيها عليهم.

المدرسه : كان المفروض عينا متغفلش عنهم
لحظه .. دى مسئولية كبيرة .. واداره
المدرسه تحولنا للتحقيقات .. ولو
مرجعوش حيلغوا النيايه العامه .

المدرس : يارب .. اعمل ايه بس
(برن جرس تليفون محمول) يخرج
المدرس التليفون من جيبه ، ويقول :

المدرس: ألو .. أيوه مين ياسر .. إنت فين يا حبيبي
وأختك سلمى معاك .. أيوه .. أيوه ضليتم
الطريق . طيب قوللى انم فين وانا اجى
لكم اخد كم .. إزاي مشغلش بالى . أفهم



يا حبيبي .. طيب طيب .. يعني حترجعوا
الحمد لله اللي اطممنا عليكم . مع
السلامه .

المدرسه : الحمد لله .. يالله بينا علشان الولاد
مستتينا علشان نرجعوا بالرحله .
المدرسه : يالله بينا



المشهد الثالث

من الفصل الأول

ينفرج الستار على مشهد صحراء واسعة والجو

مساء والقمر يضيء المكان .. وياسر وسلمى يقفان

سلمى : بابا وماما وحشونى اوى

ياسر : أنا طمنتهم علينا .. بصى هناك فيه شىء

ييلمع فى السما


سلمى : (تنظر لاعلى) ايوه .. هناك أهو ده

باين عليه طبق طاير أو سفينه فضاء .

ياسر : ممكن يكون ميتو طفل الفضاء جاى .

ماهو ده ميعاده


سلمى : تقريبا هو علشان بيقترب منا



(تقترب سفينة الفضاء من أعلى وتسقط
أمامهم .. فيتقربان منها .. يفتح باب مركبه
الفضاء ويخرج منها طفل الفضاء ميتو
يرتدى ملابس فضاء لونها رمادى ويقف
أمامهم يتحدث معهم .

ياسر : حمد الله على السلامه يا ميتو
طفل الفضاء ميتو : اشرك يا صديقى .. اظن أنها
سلمى اخناك.

ياسر : أيوه
ميتو : إزيك يا سلمى
سلمى : أهلا وسهلا .. حاجه غريبه
ميتو : ايه اللي غريب
سلمى : انت بتتكلم زينا بالضبط




ميتو : إنا في مدارسنا نتعلم كل اللغات حتى
لغتكم انتم انتم يا سكان كوكب الارض
نتعلموا كل لغات دول كوكب الارض
وبنعرف كمان كل اخباركم واللى بيحصل
على كوكبكم .

سلمى : ازاي .. معنى كده بتجسسوا علينا

ميتو : تقدرى تقولى زى كده

ياسر : وهدفكم ايه من ده

ميتو : انتم بتحاولوا معرفه عالم الفضاء ويوم ما
تعرفوا كل حاجه عنه .. حتحاولوا تغزوه
وتستعمروه والدليل على كده عمايلكم فى
بعض الحروب والدمار اللى بيحصل على
كوكب الأرض الدول القويه الغنيه بدل ما



تساعد الضعيفه والفقيره بتعتدى عليها ..
فعلشان كده إحنا بنحاول نعرف كل حاجه
عنكم ونستعد لكم .. ودلوقتى اتفضلوا معايا
فى سفينه الفضاء علشان تسافروا معايا
لكوكب الحب والسلام ويحضرو حفله عيد
ميلادى

ياسر وسلمى : كل سنه وانت طيب

ميته : وانتو طيبين . اتفضلوا

(يتجه الثلاثه إلى مركبه الفضاء يركب بها)


ميته ثم سلمى ثم ياسر .

(ستار)




مصرية : إلهام ياسر






ينفرج الستار على المشهد الرابع على قائمه كبيره
تزينها البالونات واوراق الزينه لحفل عيد الميلاد ..
وتوجد ترابيزه وضعت عليها تورتته وحوالي اثنتى
عشر شمعه وثلاثه مقاعد .. (يدخل ميتو وياسر
وسلمى)

ياسر : شىء ولا فى الاحلام ماكنتش اعرف
انكم متقدمين بالشكل ده .. وكل حاجه
عندكم ماشيه بنظام .





مايكونش كل الناس كده يعيشوا فى حب
وسلام .


: ما فيش حاجة مستحيله . واحنا اطفال
كواكب الفضاء نحاول نساعدكم
وماتنساش يا صديقى ياسر انى أنا الامير
مينو ابن حاكم كوكب الحب والسلام والسنة
دى إختارونى كل اطفال كواكب الفضاء
الطفل المثالى السنة دى .


: إنت تستحق اللقب ده
: شكرا يا صديقى .. أنا أخذت اللقب ده
لانى طلعت الاول فى مسابقة مهرجان
القراءة للجميع وفي حفلة الشهر اللى جاى
علنشان استلم جايزتى ..

مينو

ياسر

مينو





ياسر : حاجة جميلة أنكم بتقلدونا وتعملوا زينا .

ميتو : إحنا بناخد منكم الحاجات الكويسه بس .

وده اللي خلانى اتصل ببيك عن طريق

الانترنت لما عرفت أنك طلعت الاول فى

مسابقة مهرجان القراءة للجميع .

(يدخل أحد الرجال يرتدى ملابس الفضاء

ويمثل احد الحراس .ويقول :

الحارس : يا أمير ميتو : فيه مجموعه من أطفال


الراكب الفضائيه جابين يشاركوك الاحتفال

بعيد ميلادك ومعاهم صديقك كوكو

ميتو : خليه يتفضلوا

(يخرج الحارس ويدخل مجموعه من

أطفال الفضاء يرتدون ملابس فضائيه



مختلفه الالوان ويتقدمهم طفل فضاء
ويدعى كوكو)


: السلام عليكم يا امير كوكب الحب
والسلام

: السلام عليكم ورحمه الله وبركاته . اهلا
بيك يا صديقي العزيز كوكو

: يا أميرميتر . إنا إختارنا طفلين من كل
كوكب وجينا علشان نشاركك الاحتفال بعيد
ميلادك .

: مرحبا بكم.. وأحب أعرفكم بأصدقائي
ياسر المصرى وأخته سلمى ضيوفى من
كوكب الارض . ومن البلاد العظيم مصر .

: أهلا وسهلا ومرحبا بكم .



ياسر وسلمى : اهلا وسهلا

كوكو : أحنأ بنسمع عن بلدكم مصر بلد الحب

والسلام بلد الآثار العظيمة والحضارة

ياسر : شكرا

ميتو : كويس أنك جيت يا كوكو انت واطفال

الكواكب الثانيه .. قبل ما نبدأ الاحتفال

عندى فكره عرضها عليكم .

كوكو : اتفضل يا صديقى ميتو


ميتو : اطفال كوكب الارض فى خطر . وده

بسبب ان فيه بعض الدول هناك بتحارب

ويتدمر ويتقتل الاطفال .. وأنا عندى

اقتراح علشان نساعدهم ونمنع الحروب دى

كوكو : ايه هو



ميتو : إنا اطفال الفضاء عايزين تشكل وفد

مننا وليكن المجموعه الموجوده النهارده

وانا معاكم . وتنضم مع ياسر وسلمى

ومجموعه ثانيه من اطفال كوكب الارض

ونوصل صوتنا كلنا لكل دول كوكب

الارض علشان يبطلوا حروب وبكده ننقذ

اطفال كوكب الارض .

كوكو : اقتراح عظيم فكرة جميله . ايه رأيكم يا


اطفال كواكب الفضاء

(جميع اطفال الفضاء فى صوت واحد)

اطفال الفضاء : كلنا موافقين


ياسر : أشكركم يا أصدقائى .. إنا نطلب من

هيئة الامم المتحده اللى بتنضم كل دول



كوكب الارض تعمل اجتماع ونحضر كلنا
مع بعض ونقدم لهم احتجاج ونفهمهم إن
اللى بيحصل ده من حروب ودمار للأطفال
إحنا اللى بنروح ضحيه له .. يمكن يفوقوا
ويبطلوا حروب ويعم الحب والسلام. كوكب
الارض .

ميتو : خلاص .. إحنا بعد ما تنتهى من حفله
عيد الميلاد .. نعمل اجتماع سوا ونحدد
إزاي حنفذ الموضوع ده . ودلوقتى نبدأ
الحفله إتفضل يا كوكو.
كوكو : ودلوقتى حنفذ عيد ميلادك الصديق
العزیز ميتو .





(تصفيق حاد بين كل الأطفال)

ويؤدى أطفال الفضاء اغنيه انا عندى
مكتبه بينما يجلس ياسر وميتو وسلمى
يستمعون .

أغنية : أنا عندى مكتبة

أنا عندى مكتبة من معرض الكتاب
مشروع ماما سوزان علشان ح نكون صحاب


أنا عندى مكتبة

فيها علم وثقافة فيها فن وحضاره
وعلوم الانسانية دا العلم مش خساره
وف عقلى ونور عنيه دا الجهل كان زمان
دلوقتى أما إبتدينا مشروع ماما سوزان

أنا عندى مكتبة

يارب خللى هالنا ونعيش لمكتبتنا
حياتنا ونور آمالنا والفرحه تلف بينا
والفكر يعيش فى بالنا ونسابق الزمان
يارب خللى هو لنا مشروع ماما سوزان

أنا عندى مكتبة



(وبعد انتهاء الاطفال من الغناء يصفق ياسر
وسلمى وميتو - بينما يققون أمام التورته
ويلتف جميع الاطفال حول التورته)

كوكو : ودلوقتي نطفى الشمع وعقبال ميت سنه
(يقول الاطفال جميعا أغنيه)

الاطفال جميعا : هابى بيرز تو يو

هابى بيرز تو يو

هابى بيرز تو ميتو

هابى بيرز تو ميتو

(يطفئ الانوار ويظهر نور الشموع
فيطفئون الشموع بأفواههم ثم تضاء
الانوار مرة اخرى ويصفق الجميع .
ويقطع ميتو التورته)



(ثم يؤدي الاطفال أغنيه عيد الميلاد)

أغنية عيد الميلاد

يا كوكب السلام يا منور جمعنا
بالحب والصفاء والفرحه تضمننا

يا كوكب السلام

يا ميتو دا أنت غالى وجيئنا كلنا
حنحقق الامانى بالحب والهنا
وتنور الليالى فى عالم الفضا

بالحب والرضا

مبروك الليله عيدك يا ميتو يا قمر
وحلاوه الشمع فى ايدك حنصور الخير
والدنيا بكره تعرف عن عالم الفضا

والحب والرضا

(وبعد انتهاء الاغنيه تسدل الستار)

المشهد الثاني

من الفصل الثاني

ينفرج الستار على مجموعة من الاطفال الذين كانوا

يؤدون الاغانى فى حفلة عيد الميلاد .

اطفال الفضاء واطفال كوكب الارض من مختلف

الجنسيات ومعهم ياسر وسلمى وميتو وكوكو اطفال

الفضاء يرتدون ملابس الفضاء واطفال كوكب


الارض يلتفون بأعلام بلادهم .

وخلفهم فى خلفيه المسرح توجد لافتة كبيره مكتوب

عليها المؤتمر الدولى لاطفال العالم للدعوه إلى

الحب والسلام .. وتعلق لافتة اخرى تقول لا للحرب

والدمار والارهاب ونعم للحب والسلام . تقف جميع



الاطفال ويتقدمهم ياسر - يسمع صوت عالى

ياتى من نهاية الصاله وموجه لخشبه المسرح

يقول :

الصوت :بناء على رغبة جميع أطفال الكواكب

الفضائيه واطفال كوكب الارض تعقد هذه

الجلسه التاريخيه لعيئة الامم المتحده والتي

يحضرها مندوبى كل وفود دول العالم

لمناقشه موضوع لا للحروب والدمار ونعم


للحب والسلام وشعارها انقذوا أطفال العالم

.. ولتبدأ الجلسه بكلمه للطفل العربى ياسر

المصرى . (يسمع تصفيق حاد لجميع

الاطفال ويبدأ ياسر فى الحديث)

ياسر : يا شعوب العالم اتحدث اليكم باسم كل
اطفال العالم .. لماذا هذا الارهاب الدولى
الذى يحدث فى العالم لماذا هذه الحروب
التى يذهب ضحيتها الاطفال والشيوخ
والنساء وايضا الشباب ما ذنب هؤلاء
الابرياء لماذا تعتدى الدول القويه على
الدول الضعيفه فبدلا من أن تتفق الملايين
والمليارات من الاموال على اسلحه الدمار
لماذا لا تتفقها على مساعده الدول الفقيره
وخدمه العلم والانسانيه .. لماذا لا يعم
الحب والسلام بين دول العالم .. لقد اعلنت
منظمة صندوق الطوارئ الدولى للطفوله
التابع لهيئة الامم المتحده (اليونيسيف) فى



تقريرها لعام (٢٠٠١) عن عدة حقائق
خطيره نتيجة حال الاطفال فى العالم نتيجة
للحروب والصراعات الدائره والاعتداءات
على الدول الفقيره . إن اكثر من عشره
ملايين طفل عمرهم اقل من خمس سنوات
يموتون كل عام نتيجة لسوء التغذية
وامراض يمكن الوقايه منها وان عشرين
مليون طفل فى العالم اصبحو لاجئين
ملايين الاطفال فى العالم يعانون من الفقر
والمرض والجهل كل هذا بسبب الحروب
فلا للحروب والدمار والارهاب ونعم للحب
والسلام .. يا كل شعوب العالم انقذوا
اطفال العالم . (تصفيق حاد)



ويبدأ جميع الاطفال فى أغنية

الدعوة للحب والسلام

تعالوا نعيش الحياه بالسلاام
وننتهى ما بيننا الحروب والخصام

تعالوا يا عالم نقول الحقيقة
ننور طريقنا مسافه دقيقه

تعالوا نعيش الحياه والسلام

يصحى ضمير الشعوب والامم
ساعتها ح نفرح وننسى الالم
فد دنيا جديده واحلى سلام

ده فجر الحقيقة كفايه جماله
ونلقى السعاده بتفرش آماله
نعيش الامانى فى جنبه وصاله

تعالوا نعيش الحياه بالسلاام

وتبقى السعاده مجرد كلام
فى وسط الحيه يفنى الحمام
وتضحك معانا عيون السلاام

راح أغشب وتغضب تدمر ونفنى
ده إبنك وإبنى حيزرع ويجنى
ده أحسن تسامح ونفرح نفنى

يسدل الستار

تنهى المصريه بانتهاى الاغنيه



المؤلف مؤلف المسرحية

اسم المؤلف بالكامل : محمد السيد محمد عباسي
اسم الشهرة : محمد السيد عباسي
المؤلف : عضو عامل بإتحاد كتاب مصر
صدرت له مجعده منه اللتب في لبقدر والمهرج
والدراسات الادبيه ونال العديد منه
الجوائز وشهادات التقدير ومثلت له
عنه مسرحيات على مارجع الاسكندرية
الغفوانه : الاسكندرية / شارع مسلم بن الوليد
أما رقم : ياكوسن : ٥٧٦٣٥٠٧

أغاني مسرحية تأليف الشاعر : محمد علي الشافعي
عضو اتحاد الكتاب

الاسكندرية صندوق بريد رقم ١٣٤ الخشيه
ن : ٣٤٣٥٧٦٣